

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Historiae ecclesiasticae saeculi ... XVI supplementum**

**Fecht, Johann**

**Francofurti et Spirae, 1684**

**VD17 VD17 3:315948Z**

CLX.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

rum hoc tempore in Græcia & aliis regionibus statu, proximis diebus hic recusam, ut legere digneris, oro. Constantinopoli ante mensem à legato Cæsaris, Davide Ungnad, Barone Stiriaco, Nuncius ad Imp. missus est, qui Turcicum Imp. Selymum spem facere prorogationis induciarum hoc anno alioquin exeuntium attulit, sed hac conditione, ut arx Gomorra & Raba & adiacens illis Insula Danubii Scythia Turcæ tradatur. Id Imperator Maximilianus ad fratrem Carolum scripsit, qui provincialium suorum in hac urbe conventus hoc tempore habet, ac de arcibus limitaneis & rerum præfidiis alendis, argumentum jam 40. annis usitarum, repetit. Deum oro, ut nostri misereatur & nos gubernet ac servet. Quales Ecclesiæ & Academiæ & vestrarum rerum privatim hoc tempore status sit, & quid in vicina vobis Gallia agatur, cognoscere ex tuis literis cupio. Patri tuo reverendo & clarissimo salutem ex me officiose dices: eumque orabis, si ad Georgium Küen, Ecclesiæ hujus Græcensis pastorem, scribet, ut eum ad fidam & candidam consiliorum communicationem, ad communem Ecclesiæ salutem referendam, hortetur. Ego enim, qui post paucos menses, rursus ex his locis, si vivam, discedam, nihil ipsius vel Collegarum auctoritati decerpere, sed eam omnibus officiis, voce, consiliis & scriptis augere & amplificare cupio. Bene & feliciter vale & rescribe, vel per hunc tabellarium, vel per Pegasæos cursores, transmissis Viennam ad D. D. Joh. Ambrosium Brassicanum, facultatis Juridicæ Ordinarium, literis, unde fideliter mihi reddentur.

Datum Græciæ in Stiria, Calend. Febr. Anno 1574.

David Chytræus.

CLX

**S** De rebus vestris ut non desino benè sperare, sic non sine sollicitudine de eventu certi aliquid cognoscere cupio, quia quæ rumoribus incertis feruntur, non admitto. Utcunque verò cadat aut ceciderit tibi, scio, Reverende Vir, nihil erit mali, qui ad DEI voluntatem comparatus, resignatusque, nosti & patienter & fortiter, quæ dederit, excipienda esse ac ferenda, si Dominus vitam valetudinemque largitus fuerit tibi, & sicut hactenus, consentientem inter Symmistas doctrinam, sanari poterunt omnia, conservari à corruptelis Schola, Scholasticaque professio. De filiis tuis, quid agatur, nihil dum intellexi, quorum dona suum etiam locum habebunt & usum in Ecclesia. Philippum audivimus diuturna febre graviter afflictum, ita ipsum exercente Domino præparanteque, ut organum evadat benè probatum & salubre nominis ipsius gloriæ provehendæ. Ergo quod unum possum, non desino meas infirmas præces vestris jungere, quò illustrem Ecclesiam velut in arce Germa-

niæ nostræ constitutam, & tot jam annis luce veritatis egregie fulgentem, miser corditer conserver à malo, & confirmet in diem Christi, idque eò magis, quod videmus, nonnullas grave fecisse naufragium. Nos per DEI gratiam pace fruimur, quam & diurnam & firmam esse cupimus. Aegritudinibus subinde laborant symmistræ fratres, iique sancti & fideles, quorum afflictio me quoque affligit, qui quales habeam, video, sed quales habitura sit Ecclesia, si defunguntur vita, non video; spe tamen bona ducor, daturum Dominum operarios non erubescendos, nec relicturum Ecclesiam viduam. Inter confederatos gliscit iterum incendium, propter Scaphusianos, quod sopitum videbatur, cum ordines Papistici accusationem institutam intermisissent, propter emissum in Gallia militem, & quia tres ordines, Tigurum, Berna & Glarona, qui cum aliis quinque eidem sunt causæ involuti, propter Cœnobium Monialium (quod vocant Paradisum) à reformationis statim initio à Scaphusianis occupatum, & reformatum, tenentque hætenus. Octo verò ordinibus ad se pertinere conjunctim affirmantibus, inter quos Papistici quinque controversiam potissimum propter religionis innovationem movent. Superfunt quatuor, Basilea, Friburgum, Solodorum, & Abbatiscella, qui se interponunt sequestres, sed nullo hætenus cum profectu. Nunc igitur in commitiis res serio & de novo tractatur, quorum eventum expectamus; is si secus quam vellemus, ceciderit, periculum est, ne incendium latè pervagetur. Heckelius isthuc proficiscitur negotiorum suorum expediendorum gratia, quem tibi, ut hætenus semper, commendo, ingenio valet, & gratia, etiam in populari doctrina & moribus incorruptis, te, sicuti debet, patronum agnoscit & colit. Sed benè vale in Christo JESU, cum uxore totaque familia & symmistis fratribus. Scripsi Basileæ, 4. Martii, Anno 74.

Salutant te Coccius, Fuglin, & Grynæus.

*T. d. totus ut semper*

Sulcerus.

CLXI.

*S. D. Reverende & clarissime vir, præceptor*

*& pater colende.*

**L**egenti mihi literas tuas, quæ 16. Februarii datæ, die 22. Martii redditæ sunt, in mentem venit Augustini Hipponensis Episcopi historia, qui Eccle-  
lias